

## Universitätsbibliothek Paderborn

**De Vita, Et Gestis S. Francisci Xaverii È Societate Iesv  
Indiarvm Apostoli Libri Qvatvor**

**Bartoli, Daniello**

**Lvgdvni, 1666**

40. Piscariam reuisit, & nostros certis ad conuersionem animarum regulis  
instituit.

**urn:nbn:de:hbz:466:1-10854**

nihil habet. Vnum in tanto horrore solatium, constans serenitas sancti Patris & suauitas verborum, cum nec proprio metu, nec communi quam turbatior, quam si foret in portu cerneretur. Omnes audiunt confitentes, hortatisque ut aequo animo, vitam, mortem, vt cumque placitum Deo esset exciperent; post in cubiculum inferius se collegit, ubi quid ageret narravit postea Franciscus Pereira, qui cum crudeliter cuncti de se actum putarent, consolationis gratia ad eum venit, & coram Christo in crucem suffixo reperit ita Deo immersum penitus, ut inturbare nequaquam ausus sit; abunde tamen solo eius aspectu fuerit recreatus, & iam mari torrente, Zeilani vadis propinquabat nauis, etiam tranquillo metuendis, cum surgens Xauerius ab clavi rectore Vazio solidis faniculum poscit, diuultum vestis ex ora infima fragmentum plumbo alligatum in mare demittit addens, Deus Pater, Fili, & Sancte Spiritus, miserere huius populi, ac mei; quibus annuit tam subito Deus, ut venti mox omnes poluerint, quod dum Vazius effusè gaudet, alia ipsi prædicta pericula, quorum vatem fuisse nimium veracem suo Goa Malacam reditu expertus est. De tam immensi tempestate scribens ad Sanctum Patrem suum Ignatium, & socios Romanum Xauerius, qui tum fuisset animi sui sensus, & morte capiti impendente cunctisque lugentibus cur imperturbatus, & serenus egisset, exposuit, verba eius reddo, haud tam pro testimonio virtutis, quam Societatis vniuersæ ad quam ea spectat, consolatione. [ Tempesta, inquit, dum fureret, deflebant omnes stram mortem, ego me Deo commendabam, adhibebamque pro me apud illum triumphantis, ac militantis Ecclesiæ, deprecatores sanctos, atque illos in primis de Societate qui iam obiissent, illo vero in æstu medio procellæ saeuentis, voluptatibus animi fruebar tantis vix ut me arbitrer majorum capacem. Defuncta verba quæ satis explicent, quanto gaudio nostris intercessoribus coram Deo utar, & cælo receptis, & adhuc inter nos degentibus. Me quidem malorum meorum nimium conscientiam vehementer pudet effusæ has inter angustias, & metus, iucunditatis, & alacritatis, quare tunc ad Deum conuersus flagitabam, ut me durioribus reseruaret, si hac vellet defungi tempestate. Hæc ad vos Patres mei, & fratres scribenda censui, ut exsoluendis nominibus imparem, quibus Deo, & vobis tenor, vestro subsidio iuueris. De hac Societate nostra cum scribo, & loquor, modum mihi non possum imperare, sed hunc festinatio nauium extorquet, clando igitur verbis quibus nihil aptius, & convenientius inuenio, si oblitus fuero tui Societas, obliuio detur Dextera mea.] Hæc ille, reliqua deinceps prospera navigatione Cocinum delatus Ianuarij 12. Anno 1548. dies illic non totos quindecim substitit, tum & Christianis daturus operam, & ad Regem Ioannem aliosque in Lusitaniam, & Romanam literas.

## 40

Piscariam  
reuisit, & no-  
stros certis ad  
conversionem  
animarum co-  
gulis instituit.

## 40

Retro inde Comorinum versus, oram Piscariam intravit, Sancti Pattis aduentus inexplicabili gaudio, optimos illos affecit Christiano;

nos, processere obuiam pagi, festo cantu Doctrinæ Christianæ, & læto consensu affecti erga illum amoris. Vice versa ipse illorum numero, ac virtute ultra modum lœtus sementem ab se ac sociis factam mirabatur eò excreuisse: scribebat enim Goa Peres duabus cis & ultra Comorinum plagiis hoc 1548. anno censa Christianorum millia ut minus ducenta. Virtutis autem argumenta erant, vexationes & cruciamenta fortiter à multis tolerata, & oblatæ constanter ethincorum gladiis cervices, ne quid religioni aduersum non dicam admitterent, sed vel simularent. Ad hæc morborum diuina curatio, & expulso dæmonum, ad sacratum precum decantationem, & contactum precatoria coronæ, ad quæ gentilium stupebat attonita ratio, quod suarum magistros superstitionum, nunquam hac innocentia viuendi, & miraculis talibus, vidissent suas fabulas confirmare. His Xauerius perlustratis, Manapare constitit quod à Comarino promontorio patum distat. Coactis itaque in cundem locum sociis omnibus qui suos labores passim illis regionibus fundebant, Primum illis priuatæ virtutis stabiliendæ, & augenda p̄cepta dedit; post hæc singulis partes locorum attribuit statas, in quibus vel ad Deum trahendis, vel expoliendis virtute Christiana, industriam ponebant. Tercio p̄fecit omnibus P. Antonium Criminalem ac ne qua inter se dissentire doctrina aut moribus viderentur, regulas aliquot scripto conceptas iis tradidit quas in promouenda Christiana re singuli tenent. Ex tanti auctoris merito, & utilitate quam possunt ex iis duce-re, qui eodem funguntur ministerio animarum, hic à me, ut traditæ fuerant describuntur.

[Primum, inquit, hoc vobis curæ sit, quorum vobis locorum cultura communia est, in iis infantes recens natos, sacro fonte lustrare, idque per vos ipsos obire, nec alteri cuiquam præstandum credere, cum hic, quod quidem nunc attinet maioris momenti præstari nihil possit. Nec præstolari oportebit dum vos aut parentes, aut iuris admixtri accessant, & moneant quippe id facile neglecturi; ipsimet inquirite & inuestigate per pagos vobis attributos, & domesticarim; ac ubiuis aliquem deprehenderitis, baptismo, tingite. Post hoc vobis nihil sit antiquius, quam ut rudimentis Christianæ doctrinæ pueros imbuatis, cumque illis adesse ubique non possitis, dabitis operam ut per Canocopolos, & magistros id fiat, iisque mori pridem constituto religiosè insistant. Quare dum loca inspecturi aditis, vna semper magistros cum pueris cogite, interrogate, coram illis discipulos singulos, equid ab ultima inspectione profecerint, vel etiam obliti fuerint. Sic sicut magistri docendo, discendo pueri diligentiores. Diebus dominicis viros in templum conuocate ad precatio[n]es recitandas & peculiari studio obseruate, num Pantagatini, seu Publici rectores iis intersint; vbi autem vos quoque recitandis iis adesse contigerit, subdetis illarum explicationem, vitia carpetis quæ inoleuerint; exempla dilucida & quæ prope palpantur similia iis reprehendendis proferetis; pergentibus ea perpetrare,

minus

minus intentabitis à Deo, decurtagam illis vario morborum genere hanc vitam, & dandos in prædam regibus etiñicis; aeternam vero illam aeternam ignibus cruciandam. Ut primum aliquem in locum veneritis, quæratis, inter se nū qui dissideant, modisque omnibus ut in gratiam redcant, agentis, idque cum in templum conuenerint, quo viros quidem diebus dominicis, sabbato feminas debeat conuenire. Symboli explicationem Franciscus Coellius, (quem secum Sacerdotem in oram Piscariam ex Malabare duxerat) cum ex Lusitanico Malabaricam fecerit, eius apographa in templis legenda curabitis, ad viros dominicis, sabbati diebus ad feminas; ac si forte præsentes eritis tum vos ipsi legetis, tum eius subderis explanationem, quicquid seu viri seu feminæ, pia largitatis vel templo obtulerint, vel impetrati voti nomine exfoluerint, id omne in pauperes erogetur, vobis ne teruncius quidem cedat. Nullum omitteris dominicum, & sabbathi diem quin reuocetis omnibus in mentem, vbi quis apud illos ægrotarit, confessim vobis significant ut vobis visatur; id si neglexerint, & mores ægrotum oppresserint, fore ut in pœnam cum Christianis non humetur. Cum vero ægrotos conuenitis, recitare illos Symbolum fidei ante omnia iubetote, idque lingua eorum vernacula, & de singulis eius articulis, an ex animo credant interrogabis. Post hoc, Confiteor, precesque ceteras Sanctæ Doctrinæ recitabunt, vos demum super iis Euangelium sacrum pronuntiabitis. Ad humana funerorum corpora pueros colligetis, & cum iis è templo cruce prævia progreffi Christianam doctrinam in itu & reditu simus concinetis. Ad ædes mortui, responsorium dicetis unum; priusquam tertæ mandetur alterum; addetisque semper breuem ad adstantes cohorationem, de necessitate moriendi, peccatorum emendatione, cultuque virtutum, ad obtinendam mortem bonam, & felicitatem, Dominicis viros, mulieres Sabbatho valde monebitis, liberos paruos, si ægrotauerint intemplum deferant, Euangeli Sacri recitatione à vobis iuandos, quo parentum fides augeatur, amorque aduersus Dei tempora; & ipsi pueri melius habeant; lites componetis, quod si per vos non possit, eruntque de leuibus, reiiciens in diem Dominicum, ut Sacris expletis, ab loci consilibus absoluantur. Nolim tamen his cognoscendis vos nisi quam minimum occupari, aut unquam à vobis diuina misericordia opera iis temporarii postponi, in quibus si res agetur gravior ea omnia planè ad Lusitanorum Præfatum refici oportebit. Omni studio agite, ut hisce populis vos præbeatiss amabiles, ex hac enim bencvolentia maiores, quam ex metu fructus capieris. Nemini pœnam indicetis, nisi de consilio P. Antonij Criminalis, & si præsens aderit Præfetus, nihil non ex eius arbitrio getetis. Idolum seu Pagodem, vir aut mulier, quisquis effinxerit, in pagum alium exul compellatur. Pueris scholas Doctrinæ Christianæ solitis frequentare, multam debetis significare bencvolentiam dissimulatis erroribus, condonandisque pœnis quas committentur identidem, nimium quantum interest, ne auersiore sint à vobis animo,

animo, & offensi recedant. Si quis aderit Lusitanus abstinet omni-  
no à culparidis illius loci Christianis, imò præferte vos ab ipsis stare,  
illosque verbis defendite, nam si attenderit quām non pridem ad Chri-  
stum accesserint, quām parcis ad bene viuendum adiuti documentis,  
haud mitum videbitur tales esse, sed mirum prorsus non esse peiores.  
Sacerdotibus Malabaritis in rebus animi omni ope adeste, curate ut men-  
tem confessionis Sacramento purgent, ut diuinam rem faciant, ut bono  
exemplō sint, nec ad mortalium quæmpian, sinistrum quicquam de illis  
scribite. Cum ducibus Lusitanis quām placidissimè agite, nec vñquam  
inter vos atque illos vlla dissidij species intercedat, cum aliis vrd regio-  
num istarum Lusitanis, amicitiam retinere, omni conatu satagite, nec  
sit vobis vñquam cum eorum aliquo quicquam dirimendum, tametsi ad  
hoc vos prouocauerit. Illatas ab iis in Christianos iniurias carpite, sed  
amicē, ac si frustra id esse videbitis, ad Præfectum referre, cum quo, ite-  
rum moneo, nihil vñquam vobis aut controuersiæ, aut frigoris nascatur.  
Vesta cum Lusitanis colloquia non sint nisi de rebus diuinis, de  
morte, iudicio, piacularibus ignibus, & æternis; confessionis Sacrae, &  
Eucharistiaæ frequentatione, Deique præceptis accuratè seruandis; nam  
si non alios cum ipsis induxeritis sermones, nec ipsi vobiscum de aliis  
tractabunt, nec suffurabuntur vobis horas, officij vestri numeribus debitas:  
defructu laborum, & rebus appositis ad prouehendam pietatem,  
non prætermittetis literas Goam dare ad Patres & fratres Societatis,  
ipsumque Episcopum, sed reuerenter admodum ac denisse, vtpotè his  
in Prouinciis communem Sacrorum antistitem. Rege licet ex vna in  
aliam prouinciam vocante, haudquaque prorsus in eam transibitis,  
nisi Patre Antonio Criminali, & Præfecto assentientibus, sed obicie-  
tis Obedientiæ excusationem. Etiam atque etiam inculco ut quiccum-  
que vos iter agere, & vbi cumque morari contigerit, exhibere vos eni-  
tamini cunctis amabilis, cunctis beneficos, atque affabiles, sic ad vbe-  
riorem animalium fruēum habiliores euadetis, quod vobis dominus  
concedat, & vobiscum omnibus in perpetuum sit. Amen.]

41. Christianorum rebus in tractu Piscariæ, ac Patrum illic degen-  
tium, ita constitutis, in Zeilani traeicit Insulas. Ex iis de semente for-  
tissimi sanguinis per Iafanapatani tyrañnum effusi pretiosas messes,  
Deo suggeste diuinabat, nec ager omen agricolæ scellit. Regnum  
Candiæ ingressus, eius insulæ præcipuum, breuissimo tempore regem  
Christo, & cruci subiungavit. Verum quod apertam toto suo regno exc-  
crationem idolatriæ, & professionem veri cultus, prospiciebat crude-  
libus exceptum iri vicinorum bellis, non ante ausus est huic se aleæ crea-  
dere, quām Lusitanorum præsidio muniretur, cui fide regia faculta-  
tem arcis sibi construendæ, opemque promisit. Probauit sanctus re-  
gis consilium, ac de illo Ioannem Castrum Indiarum præfectum cum  
Regis legato per se ipse conuenit, quod fura non leui constaret consi-  
liariis cum vti, quibus Lusitana, quām Christi res esset antiquior. Goæ  
legato

41  
Offta eius in  
Zeilanico